

清名家詞

上海书店印行

第五卷 · 陈乃乾辑

餘館

蓮
華



山
詩

趙執信（康熙一——乾隆九）

字伸符。號秋谷。山東益都人。康熙十八年進士。授編修。累遷右贊善。以國恤觀演長生殿罷職。優遊林下者五十年。時王漁洋以詩古文雄長壇坫。執信作談龍錄。持論獨異。漁洋心折其才。不以爲忤也。著有飴

山堂詩文鈔聲調譜。

鈎山詩餘

奇州趙執信秋谷

采桑子 虎邱舟中有贈

落托十年狂杜牧。此地逢秋何意勾留。
青翰舟中見莫愁。

酒淺歌深人已醉。鬢影

橫流眼色遙偷薄。倖從今怕起頭。

菩薩蠻 同前

波光搖曳亭亭塔。畫船明月相逢恰。比塔似儂情。
一層還一層。

紅燈明玉手。笑語

香生酒。催別怨晨鐘。乍歡成夢中。

浣溪紗 贈小妓玉姿

榴火當筵照玉人。芙蓉意態柳精神。歌舞影惹香塵。
笑眼波春斟量無分住。西鄰。

倚酒添嬌顰暈重。背燈拋

虞美人 同前

鈎山詩餘

園林南畔荷香起。玉貌臨池水。柳枝嬌小未成陰。知否恁時相見已留心。而今十載重相見。猶是雛鴟燕。燈前鬢影枕眉痕。便道司空見慣也銷魂。

蝶戀花 題畫扇留別荔枝

秋老家山紅萬疊。何意淹留。斷送重陽節。醉裏情懷空自結。彎環低盡湘簾月。總爲相逢教惜別。明日風帆。亂落霜林葉。暮雨迷離天外歇。寒花付與紛紛蝶。

減字木蘭花 離寄前人

牽萍惹絮。隨意溫柔鄉裏住。三度天台。不見桃花爛漫開。脂香粉膩。染向青衫和酒氣。未得無情長憶。秋波豔橫。

鵲橋仙 重過虎邱有寄

遙山寫黛輕波凝眼。一笑岸花微逗。夢迴午枕費思量。料鬢髮如雲依舊。酒邊明月。病中黃菊。剩賺沈郎腰瘦。重來取次過殘春。枉榴火蒲香時候。

虞美人 贈吳中酒妓

前年曾醉昌亭月。小字人爭說。治城詞客最多情。遙向玉鉤斜畔喚卿卿。今年喜得頻攜手。風味濃於酒。斗教別恨上眉尖。我亦拋將魂夢到江南。

小重山 同前

長憶池亭促座聯。紅薺將素袖。共嫣然。眼波斜溜酒杯前。知卿意。酒客荷相憐。三度醉嬋娟。瞬交兼手語。豈無緣。歸心搖落入秋天。留儂否。同作飲中仙。

眼兒媚 留別吳妓耿四娘

越來溪上午烟濃。心事去留中。翻憐住久。從看天遠。肯放杯空。他鄉又作匆匆別。愁對翠眉峯。三分春思。兩番幽夢。一點秋風。

南柯子 同前

別恨桐秋促。歸心桂棹遲。胥江潮急暮風吹。記取烟波和夢共參差。濃酒迷香盼。輕衫逗膩肌。畫船微月語支離。道是不會真箇更相思。

前調 題湖莊清夏圖

楊柳千條綠。紅蕖一水香。人間信有此湖莊。羨爾烏紗白葛，在中央。地有牛過靜。
天將鷺去長坡圖。午汗坐翻漿。安得輕搖艇子，入茫茫。

前調 白門久客作

書望江頭雁。腸紓酒底蛇。斜陽容易下簷牙。坐着看閒園開過、早秋花。雨入虛窗碎。
山銜斷夢賒。宵分蟋蟀向明鴉。正是淒涼時候、未還家。

浣溪紗 秋思

寒雨聲聲滴小窗。清宵偏是到秋長。愁人猶自滯江鄉。宿酒醒來難續夢。孤衾薄。
處早驚霜。此時爭道不思量。

南鄉子 題春墅晚歸圖

春色滿江村。日日江頭倒玉尊。薄酒歸來騎馬路。黃昏漫綠深紅染月痕。鐘動野
烟繁。樓外青山綠短垣。小犬數聲燈隱隱。桃源前有漁童爲打門。

定風波 題朱天標寫真

愛就霜林繫短篷。鳧鷺鴻雁滿西風。手有絲綸何處著。拋卻悠然身寄水晶宮。船尾相看嬌小女。如語芙蓉欹岸避飄紅。若道功成堪共載。猶待西施別在五湖東。

釵頭鳳 秋思

棲鴉絕。啼蟹切。晚陰搖漾玲瓏月。鄉山路。家園樹。新秋風景。幾番晴雨去去去。清歌咽。春情疊。醉紅雙眼頻生纈。雲朝暮。人新故。迷離歸夢。一時難訴住住住。

惜分釵 歸興

人已倦。秋將半。社前空羨飛飛燕。望齊城。計歸程。似隔銀河。一水牽情盈盈。清尊斷。寒蛩亂。鞭絲夢裏西風岸。乍涼生宿裝。輕細雨留連。待到新晴行行。

滿江紅 題吳門陸萊臣秋亭園

寒雨空齋。但共對蕭然四壁。誰畫出生紺小幃。清泉白石。解道江南秋色好。狂夫亦是山中客。料淒迷千里。欲歸心惟余識。高臥裏。嫌岑寂久。別後愁拋擲。看茆亭渾似。身曾遊歷。幾度西風吹夢去。驚魂無那簷間滴。到重陽。一倍染相思。霜林赤。

踏莎行 和萊臣

釀雪尖風洗霜纖雨。黃花紅葉寒無主。歸期道是近重陽。重陽已遠猶難據。醉遣
杯知病和燈語。離情似海寬多許。夜深魂夢只南飛。征鴻過盡誰將去。

卜算子 爲侈聲遠題閨中畫

古塞際天長。寒月臨關靜。一片香閨夢裏程。萬里烟沙冷。 霜樹攬秋深。雁字翻旗
迴。傳語園圃少婦知。看取南來影。

浣溪紗 同前

欹閣平橋碧玉潭。山光水色寫雕簷。銀河垂處翠相衡。 荷氣中間深酒榼。烟波側
畔隱漁庵。鄉鄉是否似江南。

菩薩蠻

同前

澄江極望平如掌。清秋多少離人想。森渺一帆開。當年向北來。 高亭臨紫翠。畫閣
煙中閉。林際有新霜。愛他深夜涼。

春光好 題畫美人

曉妝了上紅樓。不知愁春與離情氣味。投暗相勾。
陡惹關山千萬里。聚眉頭。

荷葉杯 同前

開得名花滿徑。相映略似玉人無豔。紅雙臉白肌膚。
香透薄羅襦。婀娜風前微步。
迴顧含笑折蘭蕤。芳心應是小鬢知。團扇晚涼時。

秋蕊香 同前

眉黛新秋嬌姹。衫袖輕盈低亞。縹囊細帙空盈架。不載人心中話。
幽情應惜花將罷。拋杯斝。花枝合在紅顏下。秋老紅顏不謝。

雪花飛 同前

鶯白分將砌竹。猩紅染就山茶。渾似天寒衣袖。輕雪黏花。
隱笑修眉黛。含情小步斜。略把人間意態。逗與西家。

柳梢青 贈津門角妓真珠

無計枝梧。病身陡頓。春夢模糊。亂惹閒愁。驚開倦眼。斗帳紅珠。
鏡裏臨窺畫圖。聞道門前烟波淡沱。楊柳蕭疏。醉濃不省歡娛。曉

前調 睡起再寄

客思厭厭。拋花仗酒。午睡初甘。簾幕風高。鐸鈴聲碎。夢破紅酣。
影處霜侵鏡奩。殘春去也。多情燕子。猶自呢喃。

南柯子 贈玉素

引燭催行雨。排愁泥酒卮。春光不信去天涯。看取樽前楚楚海棠枝。
和醒不自持。他年何處最相思。應是紅酥著體。欲融時。

浪淘沙 同前

微雨過庭墀。新綠離披。玉人和笑近郎時。何物比將嬌與巧。燕子鶯兒。
移漏鼓參差。雲間細閃月如眉。滅燭解襟香澤散。一石何辭。

南鄉子 午睡起索贈

午睡起來遲。斂紅潮壓翠眉。欲驗枕痕餘幾許。垂垂鬢角斜分半縷絲。花影傍簷移。正是濃香芍藥時。獨倚簾櫳看乳燕微微。一笑含情屬阿誰。

臨江仙 題悶

落盡瓶花紅芍藥。輕雷過雨斜陽。單衣新浴細生涼。牽情殢病白晝不勝長。止酒當杯還復醉。殘宵短夢微茫。覺來何事惹思量。聞亥半枕彷彿似聞香。

謁金門 贈金仙

腸欲斷。昨暮酒闌人散。明月似知情戀戀。夜深教夢見。聞道高唐開宴。悵望行雲一片。誰送暗香來枕畔。頓成新繩綯。

女冠子 同前

薄酌枕上。月淡窗明相向。可憐生風裏纖纖柳。花前恰恰鶯。新歡偏鄭重。幽態更輕盈。酒醒寒近曉。不勝情。

清平樂 同前

曉窗晴暑黯淡巫山雨。寶鏡晶明香一縷。故傍新妝耳語。輕衣乍退妖紅微波暗逗春濃。坐覺雙蛾顰久。芳心更屬誰儂。

菩薩蠻 戲簡張輔公

張有樓名浣烟。屢見許爲花月之飲。皆以有故未能邀致。雖比日同醉。而前諾杳然。

殘更夢著玻璃枕。微涼沁鴛鴦錦。道是醉連宵。如何酒易消。主人情似月。明處偏教缺。不上浣烟樓。烟多只結愁。

少年遊 題登車圖

誰教相見卽相思。取次贈將離。脈脈牽情盈盈迴顧。紅袖苦參差。漢皋香佩空留
在。迢遞幾秋期。最是銷魂。一川風柳。撩亂夕陽時。

夜合花 贈若青

天與溫柔人傳嬌小。幾年思殺傾城。江波浩渺。斷潮何處相迎。秋有信月還盈。鵲橋
邊巧送新盟。劉郎前度徐娘未老。消得風情。連宵雨暗窗櫺。趁向雲輕漢淺掩映。
三星龍鬚鳳枕。黛眉幾許低橫。金不暖玉無聲。算瑤池獨有飛瓊。東阿才費文園消
渴。端爲卿卿。

雨中花 詠老少年

一夜霜風淒卉木。誰潛與偷紅換綠。叢棘籬邊荒苔庭際。百葉嬌堪掬。爛綬秋容
看不足。渾不似春心拘束。添得淒涼。催將酩酊。未肯輸黃菊。

桃源憶故人
詠碧桃花

劉郎乍識天台路。溪上桃花無數。幾朵濃妝含露。偏解和春語。妖紅容易催春暮。
從被燕欺鶯妬。不信落花飛絮。絆得東君住。

燕歸梁

柳颺桃花點細塵。燕子掠來新。輕盈愁殺小腰身。風際態月中痕。畫閣留痕雕梁

無主軟語泥東君。他時縱使得相親。渾不是此番春。

少年遊 夕宿青縣懷若青

離情觸處總相關。小字縣名傳。聽去偏驚避。將無計。誰使駐征鞍。夢中從此尋猶近。寒夜奈無眠。轉眼春風預愁江上。萬點見青山。

減字木蘭花

陸居非屋三徑幽。偏溪一曲誰與追尋。把臂風期似竹林。清言狂醉間。著時流渾不會隔斷仙津。妝鏡欹斜照美人。虹別名美人見詩疏

水調歌頭 題李廷尉出獵圖

弧矢丈夫志。射獵正秋冬。從者亦騎驕馬。手自挽強弓。愛聽箭如鳴叫。不覺鼻尖出火耳。後亂生風。一片曉霜白。千里晚霞紅。瀚海上夢澤畔。雪山東北平。飛將封侯無。相。敢稱雄。試領天家熊虎立。淨草間。狐兔歸報未央宮。他日認君處。麟閣畫圖中。

賀新郎 寄松風老人

送爾辭金殿。記當年狂歌一曲。京塵傳遍。解道能文真不幸。我亦傷弓斷雁。白首向江南重見。畫舫春深同載酒。帶斜陽繫著垂楊岸。驚十度歲華換。頻來往事成河漢。況平生無多知舊。星流雲散。惟有金風亭長老。長和松風吟歎。尙醉後詩篇爛縵遲我扁舟。和烟月共平章。秋色垂虹畔。歸未卜。定如願。金風亭長朱竹垞自號也

散天花 爲長洲計節婦宋作

鸞影孤懸寶鏡傍。人間無日月。剩冰霜。重泉只隔小樓窗。廿年身未死。已心亡。雪覆蘭芽特地長。庭階春草裏。爛生光。天書鄭重詔閨房。黃金應鑄像。共焚香。

行香子 不寐書懷

坐擁書城。自占寒廳。向晴窗不厭淒清。新來漸覺觸撥愁情。但夜偏長。酒易醒。夢難成。故國盈寧。勝侶逢迎。且安心何用牽繁。昏眸倦耳。有底堪憎。是亂雞啼殘月影。遠鐘聲。

酒泉子 題畫三首玉洞桃花

忙煞花工堆紅砌。粉無重數。賺教蜂蝶不知羞。亂難收。東君畢竟有情不。邀勒韶華三月到。披猖風雨一時休。問何由。

生查子 落花戲魚

都將幾許愁。散入春風裏。可惜好桃花。點點和流水。花情不自禁。水意何當已。卻羨水中魚。隨意親紅蕊。

訴衷情 蓮浦雙鷺

荷香一帶趁風斜。極浦浸明霞。鶯鶯沙際雙立影。也解釣花。微雨過。澹陰遮。許誰誇。蕩舟遊女垂釣。漁翁臨水人家。

滿庭芳 題遲歸集

漱玉佳人掃眉才子。春風陌上歸遲。藐姑冰雪爭肯汚臙脂。愛寫樓頭煙雨。詩囊底細裊心絲。令人憶妝添病減。閒坐獨吟時。佳期星漢杳。王郎狡猾偷得支機料。深閨鎮日但樹降旗。一卷天孫雲錦焚香讀。我亦情怡鵝夷子。湖山花月珍重共西施。